



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Contra vitiosas voluptates, spectaculaque pugnat. finitimas ecclesias
iuuat. cap. 4.

urn:nbn:de:hbz:466:1-10502

ata meditatione contemplaretur. Ibi animum diuinorum rerum cogitationibus, corpus vero pane, & aqua tantum sustentauit; noctem totam ad eccliam quandam, ex iis, quas mons plurimas habet, vigilias egit, vna cum Francisco Adorno societatis I E S V; quo saepe sacrarum exercitationum adiutore uti solebat: demum Mediolanum rediit.

Contra vi-
tiosas volu-
ptates, spe-
ctaculaque
pugnat. Fi-
nitimas ec-
clesias in-
uit.

CAP. IIII.

Inter alios salutares fructus, quos ex ea diuina pestis animaduersione populum suum percipere Carolus volebat, erat integra morum conformatio illius temporis, quod a festis Natalitiis ad Quadragesimam interponitur. cum enim superioribus annis, corruptelas eiusmodi non mediocriter moderatus esset; cupiebat, sperabatque, eas omnino tunc demum tolli posse. animis enim periculis, afflictioneque deterritis; verisimile videbatur fore, ut consuetum illum ad voluptates impetum homines remitterent; & ad diuinum cultum attentiores in posterum redherentur. Atque anno M. D. LXXVIII. hoc est extincta vix dum pestilentia, ita prorsus euenit, ut ille cupiebat: quamquam, quod ad Principes viros attinet; non tam fecit recens morbi, periculorumque memoria; quam pietas optimae foemina Annæ, Gubernatoris uxoris; quæ rebus diuinis, salutaribusque dedita, Caroli studiostissima, virum quantum poterat, in eo genere moderabatur, adolescentesque filios refrœnabat. ceterum reliquo anni tempore, quamvis a spectaculis, ludisque alieno; maxime vero iisdem proximi anni M. D. LXXXIX. diebus, nihil ad moderationem valuit; non recens castigatio; non uxor, non Caroli studium; non rei frumentariae inopia, quæ pestem consecuta est; non Belgica pericula, armaque Regi catholico, & Ecclesiæ sanctæ infelissime illata; quæ quidem vitiorum detestationem, supplica-

Pars III.

tionesque exposcebant; non autem voluptates, & vitia. non Regis ipsius denique, regiæque familiæ luctus; immo neque ipsa etiam regia mandata valuerunt: cum tamen eorum quodus per se valere debuisset. luctum regium intelligo, ex filii adolescentuli Ferdinandi Hispaniarum Principis obitu, adiuncta præsertim etiam Ioannis fratris nothi, quem Belgicis rebus præfecerat; Vincislai Mariæ Imperatricis eius sororis filij; & Sebastiani Lusitaniae Regis eius propinqui, morte. quibus de rebus, quæ quidem trium mensium spatio acciderant, Regem & in mœrore esse, & nouarum curarum accessione valde premi credibile erat. Atque Ferdinando Octobri mense ante mortuo, cum ad Praesides prouinciarum Rex pias admodum litteras dedisset; Carolus iis uti commodum putauit, quæ Gubernator Mediolanensis accepérat, ad malas proximi temporis consuetudines excludendas. scribebat Rex, magno se quidem ex obitu filij dolore affectum, tum quod optimæ esset indolis, optimæque speci; tum quod ei se, ut primogenito, & Principi heredi iureirando regna Hispaniarum obstrinxerant. se tamen eiusmodi a diuina manu & quo animo vulnus accepisse; imo gratias egisse; quod innocentem adhuc puerum à terreno, ad coeleste regnum transtulisset. proinde omissis luctuosis officiis, supplicationes publicas, ad impetrandam flagitorum veniam, magna reipublicæ incommoda deprecanda, decerni curaret. id quod factius obtineretur; daret operam, ut quatenus regio ministro conueniret, flagitosi mores qui calamitates inuherent, studiose corrigerentur. Carolus igitur Regem, Reginamque prius religiosè per epistolam contolatus; eas litteras, suis ad populum litteris inclusas, proposuit, atque edidit: populumque grauissime monuit,

Hh 3 vt

ut Regis sui fortitudinem obseruat, & in aduersis imitaretur; incommoda maxima precando subleuare studerer; auctoritatem, iussumque abstinendo, beneque agendo exequetur; idque in iis praesertim vitandis malis, quæ solebant ex publicis virtutis voluptatibus proficiunt. Varias autem supplicandi rationes, iis litteris, per ecclesias urbis, aliasque prescriptis, atque instituit; pro catholica Ecclesia; pto regia prosperitate; pro salute mortuorum Principum: quibus etiam in proximos menses populi pie, festis praesertim diebus occuparentur. quod ut alii quoque prouinciae Mediolanensis Episcopi facerent, litteris ad eos datis, admonuit. Instituit eo tempore, quod postea fructuose publicis de caussis retinuit: ut parochi post vespertino officium, certa capita populo in ecclesia congregato singillatim, tamquam precandi materia, denunciarent; ut congruo tempore cuique capiti attributo, horæ spatiū, tum mente, tum voce etiam, simul precando consumerent. Hac Carolus cum prouidisset; quamvis supplicationes quidem non omitterentur; in ipsis interdum plateis per religiosos viros de rebus diuinis sermones haberentur; indeque ad ecclesias, & diuina officia homines cohorationibus inducerentur; ipse iam consueto ritu totos dies inter populum; & altare perseverans precationi operam daret: consuetas tamen voluptates Gubernator excludi non est passus. qua de re commotus Carolus alteras litteras edidit, in quibus graniter eos obiurgauit, qui calamitatum publicarum Regis, salutisq; sua oblitii, tempora sacris precibus destinatae vellent adhuc violare. sed nihil amplius effecit obiurgatio, nihil aliena tamen a sanctitate moderate commotus Patris; quam ut eam Gubernator in maledicti loco haberet; & quasi crimen quoddam, una cum aliis Romanis

deferret. immo cum superiores dies in spectaculis, publicisque voluptatibus consumpsisset: rebus omnibus rursus ad insignem equestris ludi apparatum dispositis; ipsam quoque diem Dominicam sibi violandam putauit; quam esse Quadragesima caput, atque initium Carolus antea declarauerat; iamque uniuerso populo ita persuaserat, vt eam sancte obseruaret. quod idem facturus deinceps Gubernator in aliis facri illius temporis Dominicis dicebatur. Sed Carolus cum id resciuisset, editio subito promulgato, gravissimaque anathematis proposita poena, ludos illos prohibuit, & sacrum institutum defendit: neque enim Gubernator sanctum Antifititis iussum, terribilemque poenam ausus est contemnere. Multa quoque per ea tempora Carolus egit ad finitimarum utilitatem; quorum erat illi, cum ecclesiæ suæ recta administratione, cura coniuncta. Prouinciae suæ ecclesiis partim ab ipso, partim ab aliis perlustrandis, atque ordinandis consuli curauerat. Nouariensis visitationem, qua restabat transtulerat in Ioannem Franciscum Vercellensem Episcopum: Laudensem vero in Franciscum Episcopum Nouariensem: Viglebanensem ipse hoc eodem anno, quippe parvam, paucis diebus recognonit. sed Nouariense negotium differendum putauit; quod aliam gratiorem prouinciam, necessitatique maioris Episcopo Vercellensi potius dandam iudicauit. A rebus Heluetiis, Rhætisque prouidus Antistes oculos noui deiiciebat. videbat enim quām miserabilis statu essem ecclesiastica res in multis earum regionum locis; quāque earum malum vicinum nobis. miserebatur imperitiae multitudinis, cuius perniciem, vastitatemque augeri, pestifero hæresi morbo videbat. cura erat omnino Mediolanensi Archiepiscopo, sed magis tali Archiepiscopo digna. Atque in Heluetiis ad reli-

gio.



glosiorem gubernationem adducendis , quatenus ad ea , quæ curæ sunt Archiepiscopalis , pertineret , multum profecerat: in aliis sacerdotiis genitatem iuuerat . & cum ab eis plurimi fieret ; si quando se in eorum negotiis pacis communis , salutisque causa interposuerat , fructum tulerat laboris sui non mediocrem . nouerat vero ex longo vsu , iam inde ab eo tempore , quo Heluetios habuit in clientela , quibus viis ad eos aditus esset ; quave ratione cum eis agi oportet . Teliam vallem , quam Voltrenam alii dicendam putant , omnique populos , qui Rhætorum in imperio sunt , variis item rebus tueri , adiuuareque solitus fuerat . Omnes ij scilicet modo catholicè sentirerat , si quid opus erat ad res sacras , animisque salutares , configiebant ad eum ; de variis Romæ impetrandis ; de presbyteris , & concionatoribus adducendis ; de religiosis collegiis constituendis , ad eum referrebat . nonnumquam etiam litteris Principum ad Rhætos impetratis , piorum hominum libertati in religione tuenda consulere studuit . quibus rebus eorum calamitates , & pericula melius cernere potuerat . Curauerat inter alia , eundem Episcopum Vercellensem Comensi ecclesiæ recognoscendæ , & ordinandæ Romana auctoritate præponi ; quæ Mediolanensi finitima per easdem regiones late patet . idque magis facendum iudicauerat , quod Episcopus Comensis officio suo , catholicis hominibus earum partium subleuandis , neficio quomodo impeditus , parum fungebatur . Id muneris obiit Ioannes Franciscus egregie : & per ea loca , etiam in hereticorum imperio , catholicis saepe funetus officiis , non sine vita periculo , plurimos ad salutem iuuit ; catholicos confirmauit : ecclesiæ Comensi in vniuersum ; rebus multis pie restituit ; multis canonice conformatis ; utilissimam operam præbuit .

Cum autem hoc tempore , vix id negotii ille absoluisset ; rursus Carolus consilium initit , vt in præclarissimo opere per eundem Episcopum progrederetur . itaque nemo cum esset in regionibus illis , qui Romana auctoritate christianas res , catholicasque procuraret ; & magna esset sacra rum rerum confusio ; eum in Helvetiis , Rhæticisque ecclesiis Visitatorem , & Internuncium Apostolicum Romæ decerni curauit . Idoneū eiusmodi prouincię putauit virum illum ; qui non tantum sibi proponeret publicam amicitiam tueri ; Romanamq; dignitatem conseruare ; quamquam & hæc studiose , atque diligenter ; sed in primis diuino cultui restituendo , augendoque inseruiret . cuiusmodi nuncios Carolus desiderabat ; præster tim ad nationes hæretico male corruptas . Id vt perfectius ille consequeretur , consilio , studio , cura que sua præsto fuit , quibuscumq; rebus opus esset . dedit etiam ex numero suorum administratos ; M. Antonium Bellinum iurisconsultum in primis ; qui nuper operam suam Carolo , atque ecclesiæ dicauerat . Ad easdem iuuandas nationes aliam quoque initit Carolus rationem : vt Mediolani collegium consti tueretur , in quo earum nationum clerici piis moribus educarentur ; catholicaque doctrina instituerentur . qui deinde sacerdotio initiati in patriam reuertentes , Ecclesiæ statu tueri possent . qua in re , licet Helvetiis , Rhæticisque opem ferre vellet ; Teliam etiam valli cupiebat subuenire ; & ei vicinitati omni , quæ est citra Alpes ; tum propter loca nobis propinquaque ; tum ob ingenia quoque , non ad eruditio nem tantum , sed etiam ad probitatem accommodata ; quæ Carolus solebat non mediocriter laudare . negotium igitur iam multò ante propostum , & deinde intermissum , rursus suscepit ; & quæ fuit Gregorij Pontificis pietas , etiam confecit . Aſſignata

Hh 4 eit